

isugpon sa idaeum ku pirma ro gina pahimungnan ku tagpadaea kon sa pamuno it sueat hay wa raya ikabutang.

Sobre

Hanungód sa ginasudlan it sueat (sobre) hay dapat tanawon kon sin-o ro gina padaehan ag kon anó ro tuyò ku sueat: ro sobre nga maintok hay bukon it bagay nga gamiton sa mga takús kataganán. Himueatan nga ro sobre nga gamiton hay ratóng owa it kinahangean nga piluon it digaya ro papel. Kon do papel nga gina gamit hay maeapad hay isúngkà ro kaeaparan it sobre, ratong indi mapilò it abû ro gina sueód nga sueat.

Selyo

Ro selyo o *franqueo* hay dapat ipagkit sa kadugwan nga tuó sa ibabaw. Sa anang katimbang sa waea hay mahimo nga isueat do ngaean ag gina pahimungnan ku tagpadaea. Ro pag gamit nga gina taw-an it kahuegan do pag pilit it selyo, ag tugíd kara hay wà gi butangan sa kadugwan nga tuó sa ibabaw hay dapat likawan, ay mahingap it inungá nga patikang.

Pa Apas

Masigin mag kahanabu nga sa pag sueat naton hay may mga bilin o buot singhanon kita nga aton nahalipatan ag atóng gina sugpon sa idaeum ku aton nga sueat, ag mawra ro gina tawag nga *paapas* nga kon isueat it eaktud sa kinatsila hay *P. D.*